

Samningur

mennta- og menningarmálaráðuneytis við RAFMENNT ehf um ráðstöfun framlags í fjárlögum

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og RAFMENNT ehf, kt. 590104-2050, gera með sér samning þennan á grundvelli 5. mgr. 28. gr. laga um framhaldsskóla nr. 92/2008 með áorðnum breytingum.

1. Markmið og starfsemi

- 1.1. Markmið samningsins er að tryggja vandaða umgjörð vinnustaðanáms og sveinsprófa, veita nemendum, fyrirtækjum og nefndum ráðuneytisins viðeigandi þjónustu og að skapa skilyrði fyrir skýru verklagi við framkvæmd starfsnáms.
- 1.2. Styðja við stefnu á málefnasviði 20 Framhaldsskólastig í málaflokki 20.1 framhaldsskólar í fjámálaáætlun ríkisins 2022 – 2026.
- 1.3. Starfsemi
RAFMENNT annast eftirfarandi verkefni nr. 1.3.1- 1.3.2 vegna náms í rafiðngreinum. Verkefni nr. 1.3.2 snýr eingöngu að rafiðngreinum.

1.3.1. Umsýsla sveinsprófa, sbr. 19. gr. reglugerðar 698/2009 um sveinspróf.

RAFMENNT hefur samráð við hlutaðeigandi sveinsprófsnefnd og starfsgreinaráð um verkefnið og fylgir eftir reglugerð nr. 698/2009 um sveinspróf og reglum sem ráðuneytið setur um uppbyggingu og tilhögun sveinsprófa í einstökum iðngreinum.

Helstu verkþættir:

- a. Kynna skipulag og framkvæmd sveinsprófa fyrir fulltrúum atvinnulífs, skóla, kennara og nemenda.
- b. Auglýsa sveinspróf í þeim greinum sem félagið annast, innrita í þau, fara yfir umsóknir og ganga úr skugga um að umsækjendur uppfylli þau skilyrði sem ráðuneytið setur.
- c. Leiðbeina próftökum um leiðir til að fá úrlausn mála uni þeir ekki niðurstöðum sveinsprófsnefnda sbr. 15. gr. reglugerðar um sveinspróf nr. 698/2009.
- d. Útvega aðstöðu til próftöku.
- e. Aðstoða sveinsprófsnefndir við störf þeirra, sjá þeim fyrir skrifstofu- og fundaaðstöðu og öðru sem þær þurfa til að geta sinnt störfum sínum.

1.3.2. Undirbúningur umsókna um mat og viðurkenningu á menntun og starfsreynslu erlendra iðnaðarmanna sem sækja um viðurkenningu til starfa hér á landi skv. 9. gr. laga nr. 26/2010 um viðurkenningu á faglegrri menntun og hæfi til starfa hér á landi, sbr. reglugerð nr. 585/2011 um viðurkenningu á menntun og starfsreynslu til starfa í löggiltri iðn hér á landi.

Helstu verkþættir:

- a. Liðsinna umsækjendum við að undirbúa umsókn, sbr. 4. gr. tilvitnaðrar reglugerðar. Veita með almennum hætti og eftir því sem umsækjendur óska upplýsingar um lög, reglur, málsmeðferð og gögn sem eru lögð til grundvallar mati á námi og um tilhögun matsins. Leiðbeina umsækjendum um samskipti við stofnanir og stjórnvöld, svo sem Menntamálastofnun, sýslumann og Húsnæðis- og mannvirkjastofnun.
- b. Veita Menntamálastofnun umsögn fræðsluaðila um umsóknir um viðurkenningu á erlendri iðnmenntun, sbr. 6. gr. reglugerðar nr. 585/2011. RAFMENNT hefur umsjón með hæfniprófum erlendra einstaklinga sem vafi leikur á að uppfylli skilyrði um menntun og starfsreynslu til starfa hér á landi og upplýsir Menntamálastofnun um niðurstöður þeirra.

2. Forsendur samnings og lagaheimildir

- 2.1. Samningur þessi er gerður á grundvelli 40. gr. laga um opinber fjármál nr. 123/2015.
- 2.2. RAFMENNT starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

3. Ábyrgð

- 3.1. RAFMENNT ber ábyrgð á starfsemi sem samningur þessi tekur til og að kröfum um fagmennsku og gæði sé fullnægt. RAFMENNT skal geta lagt fram gögn og skýrslur þessu til staðfestingar, sé eftir því leitað.
- 3.2. RAFMENNT ber ábyrgð á skuldbindingum sem félagið eða aðilar á vegum þess stofna til í tengslum við samning þennan.
- 3.3. RAFMENNT er óheimilt að:
 - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir RAFMENNT fyrir verkefni vegna samnings þessa samkvæmt sundurliðuðum reikningum en greitt er fyrir eftirfarandi:
 - kr. 110.000,- fyrir sveinspróf í öllum greinum.
 - kr. 17.100,- fyrir hvern námssamning.
 - kr. 17.100,- fyrir hverja umsögn um viðurkenningu erlendrar starfsmenntunarGreitt er inn á bankareikning í viðskiptabanka RAFMENNT. Reikningum skulu fylgja listar yfir sveinsprófstaka auk annarra upplýsinga sem ráðuneytið óskar eftir.
- 4.2. RAFMENNT ber öll útgjöld við framkvæmd verkefna samkvæmt samningnum, þar á meðal þóknarir og laun sveinsprófsnefnda. RAFMENNT semur um tilhögun greiðslna við hlutaðeigandi sveinsprófsnefndir.
- 4.3. RAFMENNT skal halda gjöldum og tekjum vegna samnings þessa aðgreindum í fjárhagsbókhaldi sínu eftir því sem frekast er unnt.
- 4.4. Eigi RAFMENNT í viðskiptum við lögaðila sem hún á eignarhluta í eða er í eigu fjárhagslega tengdra aðila svo sem stjórnenda hennar, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar, samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. RAFMENNT skal skila ráðuneytinu:
 - 5.2.1. Fyrir lok febrúar 2022 skilar RAFMENNT rekstrar- og starfsáætlun fyrir komandi ár. Þá skulu fylgja upplýsingar um fyrirsjáanlegan fjölda sveinsprófa næstu 18 mánuði.
 - 5.2.2. Fyrir lok nóvember 2022 skilar RAFMENNT ráðuneytinu greinargerð um framkvæmd samningsins þar sem fram komi meðal annars hver staða verkefna er.
 - 5.2.3. Fyrir lok nóvember 2022 skilar RAFMENNT bráðabirgðauppgjöri fyrir fyrstu 9 mánuði 2022.
 - 5.2.4. Fyrir lok apríl 2023 skilar RAFMENNT ráðuneytinu endurskoðuðum ársreikningi ársins á undan með skýringum.
- 5.3. Fulltrúar ráðuneytis og RAFMENNT funda að lágmarki einu sinni á gildistíma samningsins.
- 5.4. RAFMENNT veitir ráðuneytinu upplýsingar sem það kallar eftir vegna opinberrar upplýsingargjafar og/eða eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.
- 5.5. Samning þennan, greinargerð um framkvæmd samnings og ráðstöfun ríkisframlags vegna verkefna sem unnin eru samkvæmt honum og úttektarskýrslur skal birta á vef RAFMENNT jafnóðum og þessi gögn liggja fyrir. Ráðuneytinu er heimilt að birta gögnin á vef sínum.
- 5.6. RAFMENNT setur á vefsíðu sína ýmis gögn sem eru efnislegar afurðir starfsemi félagsins, svo sem skýrslur, leiðbeiningar og áætlanir.

6. Vanefndir og meðferð ágreinings

- 6.1. RAFMENNT tilkynnir ráðuneytinu tafarlaust ef talinn er vafi leika á að hægt sé að uppfylla skyldur samkvæmt samningnum. Jafnframt er greint frá úrræðum sem RAFMENNT hyggst grípa til.
- 6.2. Ráðuneytinu er heimilt að rifta samningi þessum, stöðva greiðslur og/eða endurkrefja um greiðslur ef RAFMENNTvanrækir skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Gildistími og lok samnings

- 7.1. Samningurinn gildir frá 1. janúar 2022 til 31. desember 2022.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.4. Samningur þessi er gerður í tveimur samhljóða eintökum og heldur hvor aðili sínu eintaki.

Reykjavík, 28. janúar 2022

F.h. mennta- og barnamálaráðuneytis

F.h. RAFMENNT